

Մանուկ

Ժամկետային ավանդի տեղեկատվական ամփոփագիր

թարմացվել է 01.08.2018թ.

Ավանդի ընդունման պայմաններն են՝

Ավանդի արժույթ	ՀՀ դրամ ԱՄՆ դոլար
Սկզբնական ներդրվող նվազագույն գումար	10,000 ՀՀ դրամ կամ 100 ԱՄՆ դոլար
Ավանդի տեսակ	Ավելացման իրավունքով
Ավանդի ժամկետ	Նվազագույնը՝ 5 տարի Ժամկետը սահմանվում է այնպես, որ ավանդի ժամկետի ավարտի դրությամբ ավանդատուի տարիքը կազմի 14 – 18 տարեկան ներառյալ
Տոկոսների վճարում	Ժամկետի վերջում Եռամսյակը մեկ անգամ հաշվարկված տոկոսները հաշվեգրվում են ավանդի մնացորդի վրա

Բռնու՝ Ավանդի փաստացի օրերի քանակ՝ բաժանած 365, բազմապատկած ավանդի միջին օրական մնացորդով, բազմապատկած 5 տոկոսային կետով

Ավանդի տարեկան պարզ տոկոսադրույք

Ավանդի տարեկան պարզ տոկոսադրույք	
ՀՀ դրամ	ԿԲՀՏ ¹ - 0.25%
ԱՄՆ դոլար	ԿԲՀՏ ¹ - 1%

¹ ԿԲՀՏ - «Կոնվերս Բանկ» ՓԲԸ հաշվարկային տոկոսադրույք, որը կարող եք գտնել Բանկի www.conversebank.am ինտերնետային կայքում և Բանկում տեղադրված ցուցանակներից/սպասարկման սրահի Էկրաններից:

50 000 000 ՀՀ դրամը, 100 000 ԱՄՆ դոլարը գերազանցող գումարներ ներդնելու դեպքում սահմանվում են պայմանագրային տոկոսադրույքներ:

Հաշվարկման օրինակ

Հետևյալ պայմանների դեպքում՝

Ավանդի սկզբնական գումար	100,000 ՀՀ դրամ
Ավանդի ներդրման օր	01/01/2017
Ավանդի ներդրման ժամկետ	5 տարի (մինչև 01/01/2022)
Տարեկան տոկոսադրույք	10.75%
Տոկոսների վճարումը	Ժամկետի վերջում
Եկամտային հարկ	10% տոկոսային եկամտից
Համալրում	Ամսական 10,000 ՀՀ դրամ

Ավանդի տոկոսագումարի հաշվարկը կատարվում է հետևյալ կերպ՝

Մեկ օրվա տոկոսային եկամուտ՝ նախքան համալրումները

$$100,000 \text{ (ներդրված գումար)} \times 10.75/100 \text{ (տարեկան տոկոսադրույք)} / 365 \text{ (տարվա օրերի քանակ)} = 29.45$$

Մեկ օրվա տոկոսային եկամուտ՝ առաջին համալրումից հետո

$$110,000 \text{ (ավանդի մնացորդ)} \times 10.75/100 \text{ (տարեկան տոկոսադրույք)} / 365 \text{ (տարվա օրերի քանակ)} = 32.4$$

Մեկ օրվա տոկոսային եկամուտ՝ երկրորդ համալրումից հետո

$$120,000 \text{ (ավանդի մնացորդ)} \times 10.75/100 \text{ (տարեկան տոկոսադրույք)} / 365 \text{ (տարվա օրերի քանակ)} = 35.34$$

Յուրաքանչյուր հաջորդ համալրումից հետո մեկ օրվա տոկոսային եկամուտն աճում է:

Եռամսյակը մեկ անգամ տոկոսային եկամուտը հաշվեգրվում է ավանդի մնացորդին:

Կուտակված տոկոսագումարները նախքան հարկումը – 252,753.59

Կուտակված տոկոսագումարները հարկումից հետո – 227,478.23

Համալրումների հանրագումարը – 590,000

Ավանդի բոնուսը հարկումից հետո – 105,914.25

Ավանդի ընդհանուր գումարը (սկզբնական գումար + համալրումներ + տոկոսագումարներ հարկումից հետո + բոնուս հարկումից հետո) - 1,023,392.48 ՀՀ դրամ

Ավանդի հաշվիչ - <https://conversebank.am/hy/manukcalc>

Ուշադրություն

Հաշվեգրման ենթակա տոկոսներից գանձվում է եկամտային հարկ: ՀՀ տարածքում ներդրված ավանդների համար եկամտային հարկը կհաշվարկվի 10% դրույքաչափով, իսկ ԼՂՀ տարածքում՝ 5% դրույքաչափով:

Ավանդի տարեկան տոկոսային եկամտաբերության չափը

Ձեր հաշվում առկա միջոցների նկատմամբ տոկոսագումարները հաշվարկվում են անվանական տոկոսադրույքի հիման վրա, իսկ տարեկան տոկոսային եկամտաբերությունը ցույց է տալիս, թե որքան եկամուտ կստանայիք դուք, եթե ավանդի դիմաց ստացված տոկոսագումարները վերաներդնեիք ավանդի տեսքով:

Ավանդի տարեկան տոկոսային եկամտաբերության չափի հաշվարկման համար հիմք է ընդունվում ՀՀ ԿԲ «Բանկային ավանդների տարեկան տոկոսային եկամտաբերության հաշվարկումը» Կանոնակարգ 8/02-ով սահմանված հետևյալ բանաձևը՝

$$APY=(1+r/n)^n-1,$$

որտեղ՝

- APY - տարեկան տոկոսային եկամտաբերությունն է.
- r - տարեկան պարզ տոկոսադրույքն է.
- n - մեկ տարվա ընթացքում տոկոսագումարների կապիտալացման հաճախականությունն է:

Արժույթ	Ավանդի տարեկան տոկոսային եկամտաբերության չափ
ՀՀ դրամ	Եթե ԿԲՀՏ = 11%, տոկոսադրույքը՝ 10.75%, ապա՝ 11.19%
ԱՄՆ դոլար	Եթե ԿԲՀՏ = 6.75%, տոկոսադրույքը՝ 5.75%, ապա՝ 5.88%

Ավանդի ընդունման ընդհանուր պայմանները

1. Ավանդի ներդրումը հավաստվում է ավանդային պայմանագրով (այսուհետ՝ Պայմանագիր):
2. Ավանդը Ավանդատուի օգտին կարող է ներդնել ցանկացած ֆիզիկական անձ մինչև Ավանդատուի չափահաս դառնալը՝ անկախ Ավանդատուի տարիքից:
3. Պայմանագրի գործողության ընթացքում, ինչպես նաև գործողության ժամկետից հետո Ավանդ ներդնող անձը ներդրված գումարից ելքագրումներ չի կարող կատարել, ինչպես նաև չի կարող հետ պահանջել ներդրված գումարը, եթե չի հանդիսանում Ավանդատուի օրինական ներկայացուցիչը²:
4. Ավանդի գումարի տնօրինման իրավունքը մինչև Պայմանագրի ժամկետի ավարտն իրականացնում է Ավանդատուն կամ վերջինիս օրինական ներկայացուցիչը: Ավանդային հաշվից քաղվածքները և այլ պարտադիր ներկայացման տեղեկատվությունը տրամադրվում է միայն Ավանդատուին կամ նրա օրինական ներկայացուցչին՝ ավանդային պայմանագրով Ավանդ ներդրած անձի կողմից նշված՝ Ավանդատուի կամ վերջինիս օրինական ներկայացուցչի հասցեով և եղանակով:
5. Ավանդի գործողության ընթացքում ավանդային հաշվին կարող է ավելացվել ցանկացած գումար առանց հաճախականության սահմանափակման:
6. Ավանդի գումարը պահանջվելու դեպքում այն վերադարձվում է Ավանդատուին կամ վերջինիս օրինական ներկայացուցչին:
7. Ավանդի հաշվում Ավանդատուի անունով կարող են մուտքագրվել նաև երրորդ անձանցից ստացված դրամական միջոցները՝ նրա ավանդի հաշվի մասին անհրաժեշտ տվյալների նշումով, եթե այլ բան նախատեսված չէ պայմանագրով:

² Որպես օրինական ներկայացուցիչ կարող են հանդես գալ միայն երեխայի ծնողները, որդեգրողները, ինամակալը (տասնչորս տարեկան չդարձած անչափահասների դեպքում) կամ հոգաբարձուն (տասնչորսից մինչև տասնութ տարեկան անչափահասների դեպքում):

Տոկոսների հաշվարկման եվ վճարման կարգը

1. Ավանդի գումարի վրա տոկոսները հաշվարկվում են ավանդային հաշվի փաստացի մնացորդի նկատմամբ՝ ավանդը Բանկ մուտք լինելու հաջորդ օրվանից մինչև այն Ավանդատուին վերադարձնելու կամ Ավանդատուի հաշվից այլ հիմքերով դուրս գրելու օրվան նախորդող օրը:
2. Բանկը տոկոսների հաշվարկը կատարում է պարզ տոկոսադրույքով՝ որպես բաժանարար հիմք ընդունելով տարին 365 կամ 366 օր նահանջ տարվա համար:
3. Տոկոսագումարը հաշվարկվում է օրական՝ հաշվին առկա մնացորդի նկատմամբ:
4. Ժամկետային ավանդը արտարժույթով ներդնելու դեպքում տոկոսագումարները Ավանդատուին վճարվում են ՀՀ դրամով՝ վճարման օրվա դրությամբ Բանկի կողմից սահմանված համապատասխան արժույթի առքի փոխարժեքով, կամ ավանդատուի ցանկությամբ այն արտարժույթով, որով ներգրավվել է ավանդը:
5. Պայմանագրով որոշված տոկոսադրույքների չափը Բանկը չի կարող միակողմանի նվազեցնել, եթե այլ բան նախատեսված չէ ՀՀ օրենսդրությամբ և Պայմանագրով:
6. Ավանդի գումարի վրա հաշվարկված տոկոսները, որոնք Ավանդատուն բանկային ավանդի պայմանագրում նշված ժամկետում չի ստացել, Բանկի կողմից վճարվում են Ավանդատուի առաջին իսկ պահանջի դեպքում:
7. Պայմանագրի գործողության ժամկետի ավարտից հետո, եթե Ավանդատուն չի պահանջում Ավանդի գումարը և հաշվարկված տոկոսները, ապա Պայմանագիրը համարվում է երկարաձգված Բանկում այդ պահին գործող ցպահանջ ավանդի համար սահմանված պայմաններով:

Լրացուցիչ տեղեկատվություն

1. Ժամկետային ավանդային հաշվի բացումը և սպասարկումն անվճար է:
2. Ավանդային պայմանագրի գործողության ավարտից հետո ավանդային հաշիվը փակվում է:
3. Ավանդատուի կողմից ավանդային հաշվով ընթացիկ բանկային գործառնություններ չեն կարող իրականացվել՝ բացառությամբ ավանդի գումարի ավելացման և մարման գործառնությունների:
4. Ավանդի դիմաց հաշվարկված տոկոսները, ինչպես նաև ավանդային հաշվին մուտքագրված միջոցները Ավանդատուին վճարելիս միջնորդավճար չի գանձվում:
5. Բանկ ներդրված ավանդի վերաբերյալ տեղեկատվությունը բանկային գաղտնիք է և Բանկը երաշխավորում է դրա գաղտնիությունը:

Ավանդային պայմանագրի վաղաժամկետ լուծումը

1. Եթե ժամկետային ավանդը Ավանդատուի պահանջով վերադարձվում է մինչև ժամկետի ավարտը կամ մինչև բանկային ավանդի պայմանագրում նշված հանգամանքների վրա հասնելը, ապա ներկայացված դիմումի հիման վրա կատարվում է տոկոսի վերահաշվարկ՝ հետևյալ պայմաններով.
 - Ավանդը ներդնելուց հետո մինչև 1 տարին լրանալը պահանջելու դեպքում որոշվում է ավանդի գործողության ընթացքի միջին մնացորդը, դրանից հանվում է Բանկի կողմից հաշվեգրված տոկոսագումարը և այդ տոկոսագումարի նկատմամբ կատարվում է վերահաշվարկ այդ պահին գործող ցպահանջ ավանդի տոկոսադրույքով: Չի կատարվում նաև բոնուսի վճարումը:
 - Ավանդի գործողության ժամկետը 1 տարուց ավելի լինելու պարագայում, կատարվում է տոկոսների վերահաշվարկ հետևյալ կերպ՝ դադարեցման օրվանից հաշվարկված նախորդ մեկ տարվա ընթացքում կուտակված և վճարված տոկոսների մասով կատարվում է վերահաշվարկ նախորդ ենթակետում նշված կարգով: Մինչ այդ (նախորդ մեկ տարին սկսելուն նախորդող տարվա վերջին օրը) հաշվարկված և հաշվեգրված տոկոսների մասով վերահաշվարկ չի կատարվում: Չի կատարվում նաև բոնուսի վճարումը:
2. Եթե ավանդատուն լուծում է արտարժույթային ժամկետային ավանդի պայմանագիրը՝ անմիջապես նույն պայմաններով ՀՀ դրամով ժամկետային ավանդի պայմանագիր կնքելու պայմանով, ապա տոկոսների վերահաշվարկ չի կատարվում:

Վեճերի և տարաձայնությունների լուծման կարգ

Հաճախորդի և Բանկի միջև ծագած ցանկացած վեճ և տարաձայնություն նախ և առաջ լուծվում է երկուստեք՝ փոխադարձ բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված ինչպես դատական կարգով, այնպես էլ Ֆինանսական համակարգի հաշտարարի միջոցով:

Քաղվածքների և տեղեկանքների տրամադրման սակագներ

Քաղվածքների տրամադրում առձեռն՝ Բանկի տարածքում (ներառյալ ԱԱՀ)

Ֆիզիկական անձանց համար	ՀՀ օրենսդրությամբ սահմանված պարբերականությամբ մեկ անգամ՝ 0 ՀՀ դրամ ՀՀ օրենսդրությամբ սահմանված պարբերականությունից բացի հավելյալ քաղվածքի տրամադրում՝ մինչև 3 տարի վաղեմության՝ 1,000 ՀՀ դրամ 3 տարի և ավելի վաղեմության (Բանկում պահպանված լինելու դեպքում)՝ 3,000 ՀՀ դրամ
-------------------------------	---

Տարբեր հաստատություններ ներկայացնելու համար տեղեկանքներ (ներառյալ ԱԱՀ)

Մինչև մեկ ամսվա ընթացքում բացված ավանդների դեպքում	5,000 ՀՀ դրամ
Մեկ ամսից ավելի բացված ավանդների դեպքում	3,000 ՀՀ դրամ

Փաստաթղթերի, գործարքի կատարման հիմքերի և այլ տեղեկատվության պատճեններ (ներառյալ ԱԱՀ)

Մինչև 1 ամիս վաղեմություն ունեցող	1,800 ՀՀ դրամ յուրաքանչյուր փաստաթղթի համար
Մինչև 1 տարի վաղեմություն ունեցող	3,000 ՀՀ դրամ յուրաքանչյուր փաստաթղթի համար
Մեկ տարուց ավելի վաղեմություն ունեցող	12,000 ՀՀ դրամ յուրաքանչյուր փաստաթղթի համար

Քաղվածքի առաքում փոստով (ներառյալ ԱԱՀ)

Ներհանրապետական և ԼՂՀ	Ֆիզիկական անձանց՝ 0 ՀՀ դրամ
Միջազգային	Օրենքով և պայմանագրով սահմանված լինելու դեպքում՝ առաքման ծառայությունը մատուցող կազմակերպության սահմանած սակագին Այլ դեպքերում՝ առաքման ծառայությունը մատուցող կազմակերպության սահմանած սակագին + 1,500 ՀՀ դրամ

Քաղվածքի առաքում պատվիրակված առաքման ծառայության միջոցով (ներառյալ ԱԱՀ)

Ներհանրապետական և ԼՂՀ	3,000 ՀՀ դրամ
Միջազգային	Առաքման ծառայությունը մատուցող կազմակերպության սահմանած սակագին + 3,000 ՀՀ դրամ

Ծանուցում ավանդների հատուցման երաշխավորման պայմանների և կարգի մասին

Ձեր ավանդի հատուցման երաշխավորողն է Ավանդների հատուցումը երաշխավորող հիմնադրամը (այսուհետև՝ Հիմնադրամ):

Ավանդի արժութային կառուցվածքը		Ավանդի երաշխավորման առավելագույն չափը
Եթե նույն բանկում ունեք միայն դրամային ավանդ		10 միլիոն ՀՀ դրամ
Եթե նույն բանկում ունեք միայն արտարժութային ավանդ		5 միլիոն ՀՀ դրամ
Եթե նույն բանկում ունեք և ՀՀ դրամով, և արտարժույթով ավանդ	Եթե դրամային ավանդը 5 միլիոն դրամից ավելի է	10 միլիոն ՀՀ դրամ (երաշխավորվում է միայն դրամային ավանդը)
	Եթե դրամային ավանդը 5 միլիոն դրամից պակաս է	5 միլիոն ՀՀ դրամ (երաշխավորվում է դրամային ավանդն ամբողջությամբ և արտարժութային ավանդը՝ 5 միլիոն դրամի և հատուցման ենթակա դրամային ավանդի տարբերության չափով)

**Հիմնադրամի գտնվելու վայրը՝ ք. Երևան, Վ. Սարգսյան 6
 Հեռախոս՝ (+37410) 58-35-14, (+37410) 59-26-64**

Ծանուցում Ֆինանսական համակարգի հաշտարարի վերաբերյալ

Տեղեկացնում ենք, որ «Ֆինանսական համակարգի հաշտարարի մասին» ՀՀ օրենքի համաձայն՝ «Կոնվերս Բանկ» ՓԲԸ կողմից Ձեզ մատուցվող ծառայությունների հետ կապված տասը միլիոն ՀՀ դրամը կամ դրան համարժեք արտարժույթով գումարը չգերազանցող գույքային պահանջի դեպքում ծագած վեճերն ու տարաձայնությունները կարող են լուծվել Ֆինանսական համակարգի հաշտարարի միջոցով:

Բանկի և Ֆինանսական համակարգի հաշտարարի գրասենյակի միջև կնքված համաձայնագրի համաձայն՝ Բանկը հրաժարվում է Ֆինանսական համակարգի հաշտարարի որոշումները վիճարկելու իրավունքից միայն այն գույքային պահանջների մասով, որոնց չափը չի գերազանցում 250,000 (երկու հարյուր հիսուն հազար) ՀՀ դրամը կամ դրան համարժեք արտարժույթը, իսկ գործարքի գումարի չափը չի գերազանցում 500,000 (հինգ հարյուր հազար) ՀՀ դրամը կամ դրան համարժեք արտարժույթը:

**Հասցե՝ 0010 ք. Երևան, Մ. Խորենացու փող. 15, «Էլիտ Պլազա» բիզնես կենտրոն 7-րդ հարկ
 Էլ. փոստ՝ info@fsm.am
 Հեռախոս՝ (+37460) 70-11-11
 Ֆաքս՝ (+37410) 58-24-21**